



Broj: 01-07-10-269-6/2024  
Datum: 26.4.2024. godine

## Izveštaj o zaprimljenim i riješenim zahtjevima za pristup informacijama u periodu od 1.1.2024. godine do 31.3.2024. godine

Ovaj Izveštaj je dio izvršenja zakonske obaveze proizašle iz člana 17. Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/3; u daljem tekstu: Zakon).

Visoko sudsko i tužilačko vijeće Bosne i Hercegovine (u daljem tekstu: VSTV BiH) je u periodu od 1.1.2024. godine do 31.3.2024. godine, **zaprimilo 39 (trideset devet) zahtjeva za pristup informacijama**, koje su obrađene u skladu sa odredbama navedenog Zakona. Tražene informacije odnosile su se na disciplinske postupke i vrste izrečenih sankcija protiv nosilaca pravosudnih funkcija, izvještaje o zastarama krivičnog postupka i poduzetim aktivnostima u vezi sa navedenim, biografije i lične finansijske izvještaje nosilaca pravosudnih funkcija, suspenzije i iznose primanja nosilaca pravosudnih funkcija za vrijeme suspenzije, podatke iz Sistema za automatsko upravljanje predmetima u sudovima i tužilaštvima, informacije iz istrage i statuse predmeta Ureda disciplinskog tužioca VSTV-a BiH, pitanja dostavljanja komentara na zakone, uspostavu sistema registrovanja određenih krivičnih djela, pitanja iz oblasti kadrovske politike, te informacije iz predmeta koje nisu u nadležnosti VSTV-a BiH.

Od navedenog ukupnog broja zaprimljenih zahtjeva za pristup informacijama, 19 (devetnaest) zahtjeva su uputila fizička lica, u 5 (pet) slučajeva podnosioci zahtjeva su bila pravna lica, te su 15 (petnaest) zahtjeva uputili novinari različitih medijskih kuća.

Pristup informacijama **odobren** je u 23 (dvadeset tri) slučaja, odnosno u 20 (dvadeset) slučajeva se postupalo u skladu sa članom 25. stav (1), a u vezi sa članom 26. stav (4) Zakona, dok su dodatno u 2 (dva) slučaja, pored dostavljanja informacija u skladu sa navedenim odredbama zakona, podnosioci zahtjeva informisani da je dio traženih informacija javno dostupan na web stranici VSTV-a BiH te je u 1 (jednom) slučaju pored dostavljanja traženih informacija podnositelj zahtjeva informisan da se dio zahtjeva ne smatra „informacijom“ u smislu odredbi člana 5. stav (c) Zakona.

**Djelomično** je **odobren** pristup informacijama u 1 (jednom) slučaju, na način da je podnosiocu zahtjeva dostavljen dio informacija, dok je za dio informacija koje su van nadležnosti VSTV-a BiH, zahtjev upućen nadležnoj instituciji na postupanje.

U navedenom periodu zaprimljena su 2 (dva) zahtjeva koja su **van nadležnosti** VSTV-a BiH, te su, shodno zakonskoj proceduri, prosljeđena nadležnim tijelima na dalje postupanje.

Pristup informacijama **odbijen** je u 2 (dva) slučaja, te je u 3 (tri) slučaja upućen **poziv za ispravku**, u skladu sa odredbama člana 23. stav (3) Zakona, odnosno člana 25. stav (2) Zakona.

U 7 (sedam) slučajeva je podnosiocima zahtjeva upućena obavijest da se **podnesak ne smatra zahtjevom**, u skladu sa članom 23. stav (6) i članom 26. stav (2) tačka e) jer zahtjeva analitiku i kreiranje nove informacije. Dodatno, u odnosu na ponovljeni zahtjev za pristup informacijama u 1 (jednom) slučaju, podnosilac zahtjeva je upućen u pojedinosti ulaganja žalbe nadležnom tijelu.

U navedenom periodu, po informacijama kojima raspolaže Vijeće, nije bilo žalbi po dostavljenim rješenjima, inspekcijaskog nadzora i registrovanih prekršaja zbog povrede prava na pristup informacijama i ponovne upotrebe dokumenta. Na sve zahtjeve za pristup informacijama je odgovoreno u skladu sa Zakonom.

Sastavni dio ovog Izvještaja čini detaljni statistički pregled zahtjeva za pristup informacijama koje je VSTV BiH zaprimio u skladu sa Zakonom u formi Excel tabele.

Izvještaj sačinila:

Edisa Šikalo, službenica za informisanje

